

晉

書

料

注

晉書斟注卷十二

錢塘吳士鑑

同注

烏程劉承幹

志第二

天文中

七曜

雜星氣

客星

流星

雲氣

補曰案下客氣至雜星氣中不應別出且所列亦未盡

七曜

日為太陽之精主生養恩德人君之象也

說文日部曰日者實也太

陽之精書鈔一百四十九正厯曰日者太陽之精宗象也洪範五行傳曰日者羣陽之精也御覽四春秋說題辭曰陽精為日皇甫謐年厯曰日者人君有瑕必露其眾陽之宗陽精外發故日以晝明

愿以告示焉故日月行有道之國則光明人君吉昌百

姓安寧人君乘土而王其政太平則日五色無主書鈔一百

四十九京房易傳曰日者內明立黃五色無主不可以

一色名御覽四引作五色無主以象人君又八百七十

二禮斗威儀宋均曰五日變色有軍軍破無軍喪侯王

行之色不主於一也其君無德其臣亂國則日赤無光日失色所臨之國不

昌日晝昏行人無影到暮不止者上刑急下不聊生不

出一年有大水日晝昏烏鳥羣鳴國失政日中烏見主

不明爲政亂國有白衣會御覽四黃帝占書曰日中三足烏見者其所居分野有白

衣將軍出旌旗舉日中有黑子黑氣黑雲乍三乍五臣  
廢其主日蝕陰侵陽臣掩君之象有亡國

月爲太陰之精呂氏春秋曰月羣陰之本說文月部曰  
者陰之精書鈔一百五十徐整長厯云眾陰之精上合  
爲月類聚一年厯日月羣陰之宗光內日影以背曜

以之配日女主之象以之比德刑罰之義列之朝廷諸

侯大臣之類漢書李尋傳曰尋上書云月者眾故君明

則月行依度書鈔一百五十御覽三廣韻十月引臣執

權則月行失道大臣用事兵刑失理則月行乍南乍北

女主外戚擅權則或進或退月變色將有殃月晝明姦

邪並作君臣爭明女主失行陰國兵強中國饑天下謀

僭數月重見國以亂亡

歲星曰東方春木御覽五尚書考靈於人五常仁也五

曜曰歲星木精

事貌也仁虧貌失逆春令傷木氣則罰見歲星歲星盈

縮以其舍命國其所居久其國有德厚五穀豐昌御覽五尚

書考靈曜曰歲星得度五穀孳不可伐其對為衝歲乃有殃歲星安靜

中度吉盈縮失次其國有憂漢志作出入不當其不可

舉事用兵又曰人主之象也色欲明光色潤澤羣書拾補曰色

字衍隋志無德合同又曰進退如度姦邪息變色亂行主無

福又主福主大司農主齊吳主司天下諸侯人君之過

主歲五穀赤而角其國昌赤黃而沈其野大穰

災惑曰南方夏火禮也視也禮虧視失逆夏令傷火氣

罰見災惑御覽五尚書考靈曜曰災惑火精類聚三尚書考靈曜曰火星為夏期專陽相同精感符

文子曰政失於夏災惑逆行漢志作入災惑法使行無常出則有兵

則兵散以舍命國爲亂爲賊爲疾爲喪爲饑爲兵所居

國受殃漢志作所居環繞鉤已芒角動搖漢志作若居

動者環變色乍前乍後乍左乍右其爲殃愈甚其南丈

夫北女子喪周旋止息乃爲死喪寇亂其野亡地其失

行而速兵聚其下順之戰勝又曰災惑主大鴻臚主死

喪主司空又爲司馬主楚吳越以南又司天下羣臣之

過司驕奢亡亂妖孽主歲成敗又曰災惑不動兵不戰

有誅將其出色赤怒逆行成鉤已戰凶有圍軍鉤已有

芒角如鋒刃人主無出宮下有伏兵芒大則人眾怒又

爲理外則理兵內則理政爲天子之理也故曰雖有明  
天子必視災惑所在其入守犯太微軒轅營室房心主  
命惡之

填星曰中央季夏土

御覽五尚書考靈曜曰鎮星土精

信也思心也仁

義禮智以信爲主貌言視聽以心爲正

隋志正作政

故四星

皆失填乃爲之動動而盈侯王不寧

羣書拾補曰王一作主

縮有軍

不復所居之宿國吉得地及女子有福不可伐去之失

地若有女憂居宿久國福厚易則薄失次而上二三宿

曰盈有主命不成

漢志作上一舍二舍有王命不成

不乃大水失次而

下曰縮后戚

漢志作失次而

其歲不復不乃天裂若地

動一曰填爲黃帝之德女主之象主德厚安危存亡之機司天下女主之過又曰天子之星也天子失信則填星大動

太白曰西方秋金

御覽五尙書考靈曜曰太白金精

義也言也義虧言

失逆秋令傷金氣罰見太白太白進退以候兵高卑遲

速

漢志曰出而高用兵深吉淺凶卑淺吉深凶行疾用兵疾吉遲凶行遲用兵遲吉疾凶

靜躁見

伏用兵皆象之吉其出西方失行夷狄敗出東方失行

中國敗未盡期日過參天病其對國若經天天下革民

更王

漢志作天下兵革民更主案本志脫兵字

是謂亂紀人眾流亡晝見與

日爭明強國弱小國強女主昌又曰太白主大臣其號



上公也大司馬位謹候此

辰星曰北方冬水

御覽五尚書考靈曜曰辰星水精

智也聽也智虧聽

失逆冬令傷水氣罰見辰星辰星見則主刑主廷尉主  
燕趙又爲燕趙代以比宰相之象亦爲殺伐之氣戰鬪  
之象又曰軍於野辰星爲偏將之象無軍爲刑事和陰  
陽應效不效其時隋志無故不和出失其時寒暑失其  
節邦當大饑漢志作四時不出天下大饑失其時而當出不  
時而出爲當寒反溫當溫反寒

出是謂擊卒兵大起在於房心閒地動亦曰辰星出入  
躁疾常主夷狄又曰蠻夷之星也亦主刑法之得失色  
黃而小地大動光明與月相逮其國大水

凡五星有色大小不同

書鈔一百五十春秋說題辭各  
日陽精爲日日分爲五星

依其行而順時應節色變有類凡青皆比參左肩赤比  
心大星黃比參右肩白比狼星黑比奎大星不失本色  
而應其四時者吉色害其行凶

凡五星所出所行所直之辰其國爲得位得位者歲星  
以德熒惑有禮填星有福太白兵強辰星陰陽和所行  
所直之辰順其色而有角者勝其色害者敗居實有德  
也

羣書拾補曰史記作得下  
同正義引此亦同古通用

居虛無德也色勝位行勝

色行得盡勝之營室爲清廟歲星廟也心爲明堂熒惑  
廟也南斗爲文太室填星廟也亢爲疏廟太白廟也七

星爲員宮

羣書拾補曰一作官

辰星廟也五星行至其廟謹候其

命

凡五星盈縮失位其精降于地爲人歲星降爲貴臣災  
或降爲童兒歌謠嬉戲填星降爲老人婦女太白降爲  
壯夫處於林麓辰星降爲婦人吉凶之應隨其象告

凡五星木與土合爲內亂饑與水合爲變謀而更事與  
火合爲饑爲旱與金合爲白衣之會合闕國有內亂野

有破軍爲水太白在南歲星在北名曰牝牡

漢志注晉灼曰牝牡

歲陽也太白陰也故曰牝牡

年穀大熟太白在北歲星在南年或有

或無火與金合爲燥

漢志作鑠

爲喪不可舉事用兵從軍爲

軍憂離之軍却出太白陰分宅出其陽偏將戰與土合

爲憂主孽卿與水合爲北軍用兵舉事大敗一曰火與

水合爲焠

漢志作淬晉灼曰火入水故曰淬也

不可舉事用兵土與水合

爲壅沮

漢志注晉灼曰沮音沮溼之沮水性壅而潛土故曰壅沮一曰雍填也

不可舉事

用兵有覆軍下師一曰爲變謀更事必爲旱與金合爲

疾爲白衣會爲內兵國亡地與木合國饑水與金合爲

變謀爲兵憂入太白中而上出破軍殺將客勝下出客

亡地視旗所指以命破軍環繞太白若與鬪大戰客勝

凡木火土金與水鬪皆爲戰兵不在外皆爲內亂凡同

舍爲合相陵爲鬪二星相近其殃大相遠毋傷七寸以

內必之

凡月蝕五星其國皆亡歲以饑災或以亂填以殺太白以強國戰辰以女亂

凡五星入月歲

羣書拾補曰歲字衍

其野有逐相太白將僂

凡五星所聚其國王天下從

御覽五春秋元命苞曰商紂之時五星聚于房房者

蒼龍神之精周授而興又卷七天文錄星占甘氏曰五星同色天下偃兵百姓安寧歌舞以行不見疾疹五穀

昌大歲以義從災或以禮從填以重從太白以兵從辰以

法從各以其事致天下也三星若合是謂驚立絕行其

國外內有兵與喪百姓饑乏改立侯王四星若合是謂

太陽

漢志作大湯

其國兵喪並起君子憂小人流五星若合

是謂易行有德承慶

隋志承作受

改立王者奄有四方子孫

蕃昌亡德受殃離其國家滅其宗廟百姓離去被滿四

方五星皆大其事亦大皆小事亦小

凡五星色皆圓白為喪為旱赤中不平為兵

案此文承用漢志御

覽引漢志作凡五星色皆白為喪為兵赤為旱旱與兵互異

青為變為水

隋志為憂在青字上

屬上黑為疾疫為多死黃為吉皆角赤犯我城黃地之

爭白哭泣聲青有兵憂黑有水五星同色天下偃兵百

姓安寧歌舞以行不見災疾五穀蕃昌

凡五星歲政緩則不行

羣書拾補曰政字衍漢志無

急則過分逆則

占災惑緩則不出急則入違道則占填緩則不還

漢志作不

建元本急則過舍逆則占太白緩則不出急則不入逆  
作不行隋志辰下有星字則占辰緩則不出急則不入非時則占五星  
不失行則年穀豐昌

凡五星分天之中積于東方中國利積于西方外國用  
兵者利辰星不出太白爲客其出太白爲主出而與太  
白不相從及各出一方爲格野雖有軍不戰

凡五星見伏留行逆順遲速應厯度者爲得其行政合  
于常違厯錯度而失路盈縮者爲亂行亂行則爲天矢  
彗孛隋志天矢作天星而有亡國革政兵饑喪亂之禍云

雜星氣

圖緯舊說及漢末劉表為荊州牧命武陵太守劉叡集

天文眾占名荊州占

姚振宗後漢藝文志曰按續漢志注及周禮疏所稱引則表所作者

謂之經叡所集者謂之傳隋志有荊州占二十卷宋通

直郎劉嚴撰梁二十二卷無劉表劉叡書新舊唐志有

二劉無劉嚴意者嚴纂合二劉經傳二十二卷以爲一

編隋志誤題嚴姓名舊唐志始分析著錄卷數相符

也表在荊州二十年至於郊祀天地擬議社稷欲藉以

觀昧變故有此作嚴以通直郎而別爲荊州占二十二

卷揆以事理豈其然乎其書集天文眾占不僅星占一

端隋志所題與晉書所稱合蓋其本名諸書引見甚多

開元占經引之尤夥又曰宋志劉表星經一卷荊州占

三卷又五行類劉表荊州占二卷通志藝文略荊州劉

石甘巫占一卷漢荊州牧劉表命武陵太守劉意集甘

石巫咸等之占今存一卷檉隱錄王海天文類崇文

日荊州劉石甘巫占一卷後漢志注卿續引荊州星經

周禮疏引武陵太守星傳晉志史記索隱乾其雜星之

象新書並引荊州占太平御覽引荊州星經



體有瑞星有妖星有客星有流星有瑞氣有妖氣有日月傍氣皆略其名狀舉其占驗次之於此云

瑞星一曰景星如半月生於晦朔助月爲明

類聚一孫氏瑞應圖

日景星者大星也狀如半月生於晦朔助月爲明王者不敢私入則見御覽七引瑞應圖作景星者天曜也一作精又入百七十二瑞應圖曰先後月出於西方或曰王者不私人以官使賢者在位則見佐月爲明星大而中空或曰有三星在赤方氣與青方氣相連黃星在赤方氣中亦名德星二曰周伯星黃色煌煌然所見之國大昌三曰含譽光耀似彗喜則含譽射四曰格澤如炎火下大上兌

隋志兌作銳

色黃白起地而上見則不

種而穫有土功有大客

妖星一曰彗星所謂掃星本類星末類彗小者數寸長

或竟天見則兵起大水主埽除除舊布新

御覽七劉向洪範傳曰彗

者去穢布新者也此天所以去無道而建德也

有五色各依五行

御覽八百七十五河

圖稽耀鉤曰五星散爲五色之彗

本精所主史臣案彗體無光傳曰而

爲光故夕見則東指晨見則西指在日南北皆隨日光

而指

羣書拾補曰在史記正義作若是

頓挫其芒或長或短光芒所及

則爲災二曰孛星彗之屬也偏指曰彗芒氣四出曰孛

孛者孛孛然非常惡氣之所生也內不有大亂則外有

大兵天下合謀闇蔽不明有所傷害晏子曰君若不改

孛星將出彗星何懼乎由是言之災甚於彗三曰天棓

一名覺星本類星末銳長四丈或出東北方西方主奮  
爭四曰天槍其出不過三月必有破國亂君伏死其辜  
殃之不盡當爲旱飢暴疾五曰天欖石氏曰雲如牛狀  
甘氏本類星末銳巫咸曰彗星出西方長可二三丈主  
捕制六曰蚩尤旗類彗而後曲象旗或曰赤雲獨見御覽  
八百七十五河圖稽耀鉤曰熒惑散爲蚩尤旗主惑亂  
皇覽冢墓記曰蚩尤冢在東郡壽張縣關鄉城中高七  
丈民常十月祠之有赤  
氣出如降名爲蚩尤旗或曰其色黃上白下或曰若植  
藿而長名曰蚩尤之旗或曰如箕可長二丈末有星主  
伐枉逆主惑亂所見之方下有兵兵大起不然有喪七  
曰天衝出如人蒼衣赤頭不動見則臣謀主武卒發天

子亡八曰國皇大而赤類南極老人星或曰去地一二

丈如炬火主內寇內難或曰其下起兵兵強

御覽八百七十五春

秋考異郵曰國皇見則兵起天下急

或曰外內有兵喪九曰昭明象如太

白光芒不行或曰大而白無角

隋志無作有拾補識語曰有是上未云有此無

爲言無占經引巫咸西方有星大而白有角自下視名曰昭明前文或或巫咸也

乍上乍下

曰赤彗分爲昭明昭明滅光以爲起霸起德之徵所起

國兵多變一曰大人凶兵大起十曰司危如太白有目

或曰出正西西方之野星去地可六丈大而白或曰大

而有毛兩角或曰類太白數動察之而赤爲乖爭之徵

主擊強兵見則主失法豪傑起天子以不義失國有聲

之臣行主德十一曰天讒彗出西北狀如劍長四五丈

或曰如鉤長四丈或曰狀白小數動主殺罰出則其國

內亂其下相讒爲飢兵赤地千里枯骨藉藉十二曰五

殘一名五鏃出正東東方之星狀類辰

羣書拾補曰之下脫野字星字

衍辰下脫星字

可去地六七丈或曰蒼彗散爲五殘如辰星出

角或曰星表有氣如暈

隋志有作青拾補識語曰案孟公休漢書注亦青氣

有毛

或曰大而赤數動察之而青主乖亡爲五分毀敗之徵

亦爲備急兵見則主誅政在伯

御覽八百七十五河圖稽耀鉤曰鎮星散爲五

殘主奔亡春秋合誠圖曰五殘主出亡春秋考異郵曰五殘類辰星有角見則政在伯

野亂成有

急兵有喪不利衝十三曰六賊見出正南南方之星

羣書

拾補曰見字衍

去地可六丈大而赤動有光

羣書拾補曰赤下脫

數

或曰形如彗五殘六賊出禍合天下逆侵闢樞其下

有兵衝不利十四曰獄漢一名咸漢出正北北方之野

星去地可六丈大而赤數動察之中青或曰赤表下有

三彗從橫主逐王主刺王出則陰精橫兵起其下又爲

喪動則諸侯驚十五曰旬始出北斗旁如雄雞其怒有

青黑象伏鼉或曰怒雌也主爭兵又曰黃彗分爲旬始

爲立主之題主亂主招橫見則臣亂兵作

御覽八百七十五春秋考

異郵曰旬始照其下必有滅主

諸侯虐期十年聖人起伐

羣書拾補曰伐當作代

羣猾橫恣或曰出則諸侯雄鳴十六曰天鋒彗象矛鋒

天下從橫則天鋒星見十七曰燭星如太白其出也不  
行見則不久而滅或曰主星上有三彗上出所出城邑  
亂有大盜不成又以五色占十八曰蓬星大如二斗器  
色白一名王星狀如夜火之光多至四五少一二一曰  
蓬星在西南長數丈左右兌出而易處星見不出三年  
有亂臣戮死又曰所出大水大旱五穀不收人相食十  
九曰長庚如一匹布著天見則兵起二十曰四填星出  
四隅去地六丈餘或曰可四丈或曰星大而赤去地二  
丈常以夜半時出見十月而兵起皆爲兵起其下二十  
一日地維藏光出四隅或曰大而赤去地二三丈如月

始出見則下有亂亂者亡有德者昌

河圖云歲星之精流為天棓書鈔一百五十荆天槍州星占曰天鎗一

名天天猾天衝國皇御覽七河圖稽耀鉤曰及登歲星流為國皇主內難

隋志通考皆作反拾補識語曰蒼彗案占經引河圖春秋緯都反登

熒惑散為昭旦隋志作析旦蚩尤之旗 昭明 司危

天機 赤彗

填星散為五殘隋志五殘下有六賊二字案上文十二

也獄漢大賁 昭星隋志昭紂流隋志紂流下有旬始

蚩尤 虹蜺 擊咎 黃彗

太白散為天杵 天柎 伏靈 大敗 司姦 天狗



御覽七河圖稽耀鉤曰太白散為天狗主兵天殘卒起白彗

辰星散為枉矢破女拂樞滅寶繞縱隋志作繞延

驚理大奮祀黑彗

五色之彗各有長短曲折應象

漢京房著風角書隋經籍志云京房風角要占三卷梁八卷有集星章所載

妖星皆見於月旁互有五色方雲以五寅日見各有五

星所生云

天槍 天根 天荊 眞若 天棖 天樓 天垣

皆歲星所生也羣書拾補曰星下脫之字見以甲寅其星咸有兩青

方在其旁

天陰 晉若 官張 天惑 天崔

隋志作崔拾補識語曰案崔崔同字

崔爲崔如省爲省矣 赤若 蚩尤

皆熒惑之所生也出在景寅日有兩赤方在其旁

天上 天伐 從星 天樞 天翟 天沸 荆彗

皆填星所生也出在戊寅日有兩黃方在其旁

若星 帚星 若彗 竹彗 牆星 棖星 白藎

皆太白之所生也出在庚寅日有兩白方在其旁

天美 天毳 天杜

羣書拾補曰當作杜

天麻 天林 天蒿

隋志

作天 高 端下

皆辰星之所生也出以壬寅日有兩黑方在其旁

已前三十五星即五行氣所生皆出於月左右方氣之中各以其所生星將出不出日數期候之當其未出之前而見見則有水旱兵喪饑亂所指亡國失地王死破軍殺將

客星

張衡曰老子四星及周伯王蓬絮芮各一

隋志作周伯老子王蓬絮

國皇溫星凡五星

錯乎五緯之間其見無期其行無度荊州占

云老子星色渟白然所見之國爲饑爲凶爲善爲惡爲

喜爲怒周伯星黃色煌煌所至之國大昌

羣書拾補曰此與瑞星周

伯同隋志則云周伯大而色黃煌煌然見其國兵起若有喪天下饑眾庶流亡去其鄉疑此誤拾補識語日案

占經引黃帝蓬絮星色青而熒熒然所至之國風雨不  
與五代志同節隋志節上焦旱物不生五穀不登多蝗蟲又云東南

有三星出名曰盜星出則天下有大盜西南有三大星

出名曰種陵出則天下穀貴十倍

周家祿校勘記曰倍誤陪西北三

大星出而白名天狗出則人相食大凶東北有三大星  
出名曰女帛見則有大喪

### 流星

流星天使也自上而降曰流自下而升曰飛大者曰奔  
奔亦流星也星大者使大星小者使小聲隆隆者怒之  
象也行疾者期速行遲者期遲大而無光者眾人之事

小而有光者貴人之事大而光者其人貴且眾也乍明乍滅者賊敗成也前大後小者恐憂也前小後大者喜事也蛇行者姦事也往疾者往而不反也長者其事長久也短者事疾也奔星所墜其下有兵無風雲有流星見良久閒乃入爲大風發屋折木小流星百數四面行者眾庶流移之象流星之類有音如炬火下地野雉鳴天保也

隋志炬下有燦字鳴上有燦字天上有所字

所墜國安有喜若小流

星色青赤名曰地雁其所墜者起兵流星有光青赤長二三丈名曰天雁軍中之精華也其國起兵將軍當從星所之流星暉然有光光白長竟天者人主之星也主

相將軍從星所之

羣書拾補曰此下隋志文多又有梁星

飛星大如缶若甕後皎然白前卑後高此謂頓頑

羣書拾補

曰隋志頓頑後有降石又其所從者多死亡飛星大如大滑後有天刑此皆不具

缶若甕後皎然白星滅後白者曲環如車輪此謂解銜

其國人相斬爲爵祿飛星大如缶若甕其後皎然白長

數丈星滅後白者化爲雲流下名曰大滑所下有流血

積骨

枉矢類流星色蒼黑蛇行望之如有毛目長數匹著天

主反萌主射愚見則謀反之兵合射所誅

御覽八百七十五河圖稽

耀鉤曰辰星散爲枉矢所射可誅洪範五行傳曰枉矢者弓矢之象也枉矢之所觸天下之所伐滅亡之象也

春秋運斗樞曰黃帝行失樞則枉矢出射所  
謀又御覽七引河圖稽耀鉤合射作流射  
亦爲以亂  
伐亂

天狗狀如大奔星色黃有聲其止地類狗所墜望之如火光炎炎衝天其上銳其下員如數頃田處或曰星有毛旁有短彗下有狗形者或曰星出其狀赤白有光下卽爲天狗一日流星有光見人面墜無音若有足者名曰天狗其色白其中黃黃如遺火狀主候兵討賊見則四方相射千里破軍殺將或曰五將鬪人相食所往之鄉有流血其君失地兵大起國易政戒守禦營頭有雲如壤山墮所謂營頭之星所墜其下覆軍流血千里亦

曰流星畫隕名營頭

雲氣

瑞氣一曰慶雲若煙非煙若雲非雲郁郁紛紛蕭索輪

囿是謂慶雲

御覽入孫氏瑞應圖曰一日非氣非煙五色氛氲謂之慶雲

亦曰景雲

此喜氣也太平之應

御覽入孝經援神契曰王者德至山陵則景雲出又曰天子孝則景

雲見禮斗威儀曰人君乘水而王其政和平則景雲見也又曰景明也言雲氣光明也

二曰歸邪

如星非星如雲非雲或曰星有兩赤彗上向有蓋下連

星見必有歸國者三曰昌光赤如龍狀聖人起帝受終

則見

妖氣一曰虹蜺日旁氣也斗之亂精

書鈔一百五十春秋演孔圖曰霓者



斗之亂精也斗失度則虹霓見御覽見御覽十四尚書考靈曜注秋運斗樞日星之散為虹霓御覽見御覽十四尚書考靈曜注春日為虹霓河圖稽耀鉤日傍青赤者為霓元命苞曰陰陽交青赤主惑心主內淫御覽八百七十八易通卦驗曰虹白黃主惑心主內淫不時見女謁亂公虹者陰陽交接之氣陽倡陰和之象今失節不見者似人君心在房內不循外事廢禮失義夫人淫恣而不制故曰女謁亂公主臣謀君天子詘后妃顓妻不一二曰牂雲如狗赤色長尾為亂君為兵喪

### 十輝

周禮眡祲氏掌十輝之法以觀妖祥辨吉凶一曰祲謂陰陽五色之氣浸淫相侵或曰抱珥背僞之屬案隋志以本志下文帶璫僞之是當作璫如虹而短是也二曰象謂雲氣成形

象如赤烏夾日以飛之類是也三曰觸日傍氣刺日形

如童子所佩之觸四曰監謂雲氣臨在日上也五曰闇

謂日月蝕或曰脫光也

宋元本作光脫隋志作或日光暗也

六曰瞢謂瞢

瞢不光明也七曰彌謂白虹彌天而貫日也八曰序謂

氣若山而在日上或曰冠珥背僞重疊次序在于日旁

也九曰躋謂暈氣也或曰虹也詩所謂朝躋于西者也

十曰想謂氣五色有形想也青饑赤兵白喪黑憂黃熟

或曰想思也赤氣爲人狩之形

羣書拾補曰狩獸同

可思而知其

吉凶也

凡遊氣蔽天日月失色皆是風雨之候也沈陰日月俱

無光晝不見日夜不見星有雲障之雨敵相當陰相圖

議也日濛濛無光

隋志作  
濛濛

士卒內亂又曰數日俱出若

鬪天下兵起大戰日鬪下有拔城日戴者形如直狀其

上微起在日上爲戴戴者德也國有喜也一云立日上

爲戴青赤氣抱在日上小者爲冠國有喜事青赤氣小

而交於日下爲纓青赤氣小而員一二在日下左右

宋元

本無左  
右二字

者爲紐青赤氣如小半暈狀在日上爲負負者

得地爲喜又曰青赤氣長而斜倚日旁爲戟青赤氣員

而小在日左右爲珥黃白者有喜又曰有軍日有一珥

爲喜在日西西軍戰勝在日東東軍戰勝南北亦如之

無軍而珥爲拜將又日旁如半環

晉書校文二日日是日之譌觀上下文多

作又曰字可證

向日爲抱青赤氣如月初生背日者爲背又曰

背氣青赤而曲外向爲叛象分爲反城璠者如帶璠在

日四方青赤氣長而立日旁爲直日旁有一直敵在一

旁欲自立從直所擊者勝日旁有二直三抱欲自立者

不成順抱擊者勝殺將氣形三角在日四方爲提

隋志角作

抱青赤氣橫在日上下爲格氣如半暈在日下爲承承

者臣承君也又曰日下有黃氣三重若抱名曰承福人

主有吉喜且得地青白氣如履在日下者爲履日旁抱

五重戰順抱者勝日一抱一背爲破走抱者順氣也背

者逆氣也兩軍相當順抱擊逆者勝故曰破走日抱且兩珥一虹貫抱抱至日

周家祿校勘記曰下抱衍文據下二虹貫抱

順虹擊

者勝殺將日抱兩珥且珥二虹貫抱至日順虹擊者勝

羣書拾補曰此十七字隋志無似衍

日重抱內有珥順抱擊者勝亦曰軍

內有欲反者日重抱左右二珥有白虹貫抱順抱擊勝得二將有三虹得三將日抱黃白潤澤內赤外青天子有喜有和親來降者軍不戰敵降軍罷色青黃將喜赤將兵爭白將有喪黑將死日重抱且背順抱擊者勝得地若有罷師日重抱抱內外有珥兩珥順抱擊者勝破軍軍中不和不相信日旁有氣員而周帀內赤外青名

爲暈日暈者軍營之象周環而日無厚薄敵與軍勢齊等若無軍在外天子失御民多叛日暈有五色有喜不得五色者有憂

隋志五  
均作王

凡占兩軍相當必謹審日月暈氣知其所起留止遠近應與不應疾遲大小厚薄長短抱背爲多少有無虛實久亟密疏澤枯相應等者勢等近勝遠疾勝遲大勝小厚勝薄長勝短抱勝背多勝少有勝無實勝虛久勝亟密勝疏澤勝枯重背大破重抱爲和親抱多親者益多背爲天下不和分離相去背於內者離於內背於外者離於外也

雜氣

天子氣內赤外黃四方所發之處當有王者若天子欲有遊往處其地亦先發此氣或如城門隱隱在氣霧中恆帶殺氣森森然或如華蓋在氣霧中或氣隋志或氣作或日氣象青衣人無手在日西或如龍馬或雜色鬱鬱衝天者此皆帝王氣

猛將之氣如龍如猛獸或如火煙之狀或白如粉沸或如火光之狀夜照人或白而赤氣繞之或如山林竹木或紫黑如門上樓或上黑下赤狀似黑旌或如張弩或如埃塵頭銳而卑本大而高此皆猛將之氣也氣發漸

漸如雲變作山形將有深謀

凡軍勝之氣如堤如坂前後磨地或如火光將軍勇士  
卒猛或如山堤山上若林木將士驍勇或如埃塵粉沸  
其色黃白或如人持斧向敵或如蛇舉首向敵或氣如  
覆舟雲如牽牛或有雲如鬪雞赤白相隨在氣中或發  
黃氣皆將士精勇

凡氣上黃下白名曰善氣所臨之軍敵欲求和退

凡負氣如馬肝色或如死灰色或類偃蓋或類偃魚或  
黑氣如壞山墜軍上者名曰營頭之氣或如羣羊羣猪  
在氣中此衰氣也或如懸衣如人相隨或紛紛如轉蓬



或如揚灰或雲如卷席如匹布亂穰者皆爲敗徵氣如繫牛如人臥如雙蛇如飛鳥如決隄垣如壞屋如驚鹿相逐如雨雞相向此皆爲敗軍之氣

凡降人氣如人十十五五皆叉手低頭又云如人叉手相向或氣如黑山以黃爲綠者皆欲降伏之象也

凡堅城之上有黑雲如星名曰軍精或白氣如旌旗或青雲黃雲臨城皆有大喜慶或氣青色如牛頭觸人或城上氣如煙火如雙蛇如杵形向外或有雲分爲兩彗狀者皆不可攻

凡屠城之氣或赤如飛鳥或赤氣如敗車或有赤黑氣

如狸皮斑或城中氣聚如樓出見於外營上有雲如眾人頭赤色其城營皆可屠氣如雄雉臨城其下必有降者

凡伏兵有黑氣渾渾員長

隋志伏兵作軍上

赤氣在其中或白

氣粉沸起如樓狀或如幢節狀在烏雲中

隋志在作生

或如

赤杵在烏雲中或如烏人在赤雲中

凡暴兵氣白如瓜蔓連結部隊相逐須臾罷而復出或

白氣如仙人如仙人衣

隋志不重如仙人三字

千萬連結部隊相

逐罷而復興常有千里兵來或氣如人持刀楯雲如人色赤所臨城邑有卒兵至或赤氣如人持節兵來未息

雲如方虹此皆有暴兵之象

凡戰氣青白如膏如人無頭如死人臥如丹蛇赤氣隨之必大戰殺將四望無雲見赤氣如狗入營其下有流血

凡連陰十日晝不見日夜不見月亂風四起欲雨而無

雨名曰蒙臣有謀

隋志作臣謀君

霧氣若晝若夜其色青黃更

相奄冒

隋志奄作掩

乍合乍散亦然視四方常有太雲五色

具者其下賢人隱也青雲潤澤蔽日在西北爲舉賢良

雲氣如亂穰大風將至視所從來

晉書校文二日隋志來下有避之二字語

意較備疑此有脫文

雲甚潤而厚大雨必暴至四始之日有黑雲

氣如陣厚大重者

隋志作重大

多雨氣若霧非霧衣冠不濡

見則其城帶甲而趣日出沒時有霧雲橫截之

隋志無霧字

白者喪烏者驚三日內雨者各解有雲如蛟龍所見處將軍失魄有雲如鵠尾來蔭國上三日亡有雲赤黃色四塞終日竟夜照地者大臣縱恣有雲如氣味而濁賢人去小人在位

凡白虹者百殃之本眾亂所基霧者眾邪之氣陰來冒陽

凡白虹霧姦臣謀君擅權立威晝霧夜明臣志得申

凡夜霧白虹見臣有憂晝霧白虹見君有憂虹頭尾至

地流血之象

凡霧氣不順四時逆相交錯微風小雨爲陰陽氣亂之象積日不解晝夜昏闇天下欲分離

凡天地四方昏濛若下塵十日五日已上或一月或一

時

隋志月作日

雨不沾衣而有土名曰霾故曰天地霾君臣

乖

隋志下有旱二字

凡海旁蜃氣象樓臺廣野氣成宮闕北夷之氣如牛羊

羣畜穹廬

隋志廬作閭

南夷之氣類舟船幡旗自華以南氣

下黑上赤嵩高三河之郊氣正赤恆山之北氣青勃碣海岱之間氣皆正黑江淮之間氣皆白東海氣如員磬

附漢河水氣如引布江漢氣勁如杼濟水氣如黑狫渭

水氣如狼白尾淮南氣如白羊

隋志白羊作帛疑是譌文

少室氣如

白兔青尾恆山氣如黑牛青尾東夷氣如樹西夷氣如

室屋南夷氣如閭臺或類舟船陣雲如立垣杼軸雲類

軸搏兩端兌杓雲如繩居前互天其半半天其翬者類

闕旗故鉤雲句曲諸此雲見以五色占而澤搏密其見

動人乃有兵必起合闕其直

羣書拾補曰有下脫占字當從史記補合漢志作占

雲氣如三匹帛廣前兌後大軍行氣也韓雲如布趙雲

如牛楚雲如日宋雲如車魯雲如馬衛雲如犬周雲如

車輪秦雲如行人

御覽八引兵書行人作美人

魏雲如鼠鄭雲如絳

衣

隋志作鄭齊雲類聚一御越雲如龍蜀雲如困

書鈔一百

五十引兵書困作國

車氣乍高乍下往往而聚騎氣卑而布卒氣

搏前卑後高者疾前方而高後銳而卑者却其氣平者

其行徐前高後卑者不止而返校騎之氣正蒼黑長數

百丈遊兵之氣如彗掃一云長數百丈無根本喜氣上

黃下赤

隋志赤作白

怒氣上下赤憂氣上下黑土功氣黃白

徙氣白

凡候氣之法氣初出時若雲非雲若霧非霧髣髴若可

見出初森森然在桑榆上高五六尺者是千五百里外

平視則千里舉目望即五百里仰瞻中天即百里內

隋志

兩卽字均作則平望桑榆間二千里登高而望下屬地者三千

里敵在東日出候之在南日中候之在西日入候之在

北夜半候之軍上氣高勝下厚勝薄實勝虛長勝短澤

勝枯氣見以知大占期內有大風雨久陰則災不成

天變史傳事驗

周家祿校勘記曰天變當另行在左蓋史傳事驗爲網天變以下則其目也據

篇首無天變以下目錄可見

惠帝元康二年二月天西北大裂案劉向說天裂陽不

足地動陰有餘是時人主昏瞶妃后專制

太安三年八月庚午天中裂爲二有聲如雷者三

御覽一引

晉書天裂爲二下有無雲二字周家祿校勘記曰二年誤三年晉書校文二曰下文是日長沙王奉帝出距成



都河閒二王帝紀長沙奉帝出距二王在八月乙丑計前庚午五日此云是日則直以爲庚午矣誤君道虧而臣下專僭之象也是日長沙王奉帝出距成都河閒二王後成都河閒東海又迭專威命是其應也

穆帝升平五年八月己卯夜天中裂廣三四丈

隋志作廣數丈

有聲如雷野雉皆鳴是後哀帝荒疾海西失德皇太后臨朝太宗總萬機桓溫專權威振內外陰氣盛陽氣微元帝太興二年八月戊戌天鳴東南有聲如風水相薄京房易妖占曰天有聲人主憂三年十月壬辰天又

鳴甲午止其後王敦入石頭王師敗績元帝屈辱制於

強臣既而晏駕大恥不雪

御覽一晉中興書徵祥說曰三年又鳴後哀帝廢案志於

元帝大興三年之下繼以安帝隆安五年無明成諸帝時事疑中興書所言乃哀帝興寧三年事惟哀帝以疾崩不當云廢也附注於此

安帝隆安五年閏月癸丑天東南鳴六年九月戊子周家祿校勘記曰隆安無六年當作元興元年案廿二史攷異十九誤以六年爲十六年蓋其所見本偶誤也天東南又鳴是後桓立篡位安帝播越憂莫大焉鳴每東南者蓋中興江外天隨之而鳴也

義熙元年八月天鳴在東南京房易傳曰萬姓勞厥妖天鳴御覽八百七十四京氏易妖占曰天裂陽不足下害上之象天裂人見兵起國亡天開見光血流滂是時安帝雖反正而兵革歲動衆庶勤勞也

日蝕

魏文帝黃初二年六月戊辰晦日有蝕之有司奏免太尉詔曰災異之作以譴元首而歸過股肱豈禹湯罪己之義乎其令百官各虔厥職後有天地眚勿復劾三公三年正月景寅朔日有蝕之十一月庚申晦又日有蝕之五年十一月戊申晦日有蝕之

明帝太和初太史令許芝奏曰應蝕與太尉於靈臺祈禳帝曰蓋聞人主政有不德則天懼之以災異所以譴告使得自修也故日月薄蝕明治道有不當者朕卽位以來旣不能光明先帝聖德而施化有不合於皇神故上天有以寤之宜勅政自修有以報於神明

宋志修下無有字

天之於人猶父之於子未有父欲責其子而可獻盛饌

以求免也今外欲遣上公與太史令俱禳祠之

羣書拾補曰俱

當作具於義未聞也羣公卿士大夫其各勉修厥職有可

以補朕不逮者各封上之

太和五年十一月戊戌晦日有蝕之 六年正月戊辰

朔日有蝕之見吳厓

青龍元年閏月庚寅朔日有蝕之

少帝正始元年七月戊申朔日有蝕之 三年四月戊

戌朔日有蝕之 四年五月丁丑朔日有蝕之

勞格晉書校勘

記曰國志齊王紀失書蝕宋志無此食攷長厓是年四

壬辰朔六辛卯朔五月是壬戌朔丁丑月十六日不當

食五年四月景辰朔日有蝕之 六年四月壬子朔日

有蝕之

勞格校勘記曰齊王紀無此食案四月辛亥朔非壬子也

十月戊申朔

勞格校勘記曰宋志作戊寅朔誤盧學士云當是庚申朔亦非拾補識語曰案汪謝城先生所考是戊申又

日有蝕之 八年二月庚午朔日有蝕之是時曹爽專

政丁謚鄧颺等轉改法度會有日蝕之變詔羣臣問得

失蔣濟上疏曰昔大舜佐治戒在比周周公輔政慎於

其朋齊侯問灾晏子對以布惠魯君問異臧孫荅以緩

役塞變應天乃實人事濟旨譬甚切而君臣不悟終至

敗亡 九年正月乙未朔日有蝕之

嘉平元年二月己未朔日有蝕之

高貴卿公甘露四年七月戊子朔日有蝕之 五年正月乙酉朔日有蝕之京房易占日日蝕乙酉君弱臣強司馬將兵反征其王五月有成濟之變

元帝景元二年五月丁未朔日有蝕之 三年十一月

己亥朔

勞格校勘記曰宋志作三月以長厯攷之則宋志誤也

先生所考 日有蝕之

武帝泰始二年七月景午晦日有蝕之 十月景午朔

日有蝕之

晉書校文二曰日必逾五月而後再食定法也

至十月未逾四月斷無再食理其為誤載無疑志又言泰始九年四月戊辰七月丁酉十年正月乙未三月癸未及永康元年正月己卯四月辛卯皆不及五月而日再蝕誤與此同以宋書五行志較之則泰始二年止有

七月一食九年止有四月一食十年及永康元年亦皆止載一食宋晉相距甚近沈約所據晉代史錄必可據信然則此志書不逾五月再食各條其非實錄明矣胡續胡贖贖船船晉晉天文天文五行五行二志二志出出李李潛潛風風手手歷歷代代推推重重不不知知在各在各志志中中最最紕紕繆繆七年十月丁丑朔日有蝕之晉書此此尤尤舛舛誤誤之之顯顯著著者者二日宋志載是年五月庚辰日食而不八年十月辛未及十月朔事以帝紀攷之知誤在宋志朔日有蝕之九年四月戊辰朔日有蝕之又七月丁酉朔日有蝕之十年正月乙未三月癸亥並日有蝕之

咸寧元年七月甲申晦日有蝕之三年正月景子朔日有蝕之四年正月庚午朔日有蝕之

太康四年三月辛丑朔日有蝕之本紀及宋志太康六年八月景戌朔日有

蝕之羣書拾補曰七年正月甲寅朔日有蝕之八年

正月戊申朔日有蝕之九年正月壬申朔十月庚子

朔並日有蝕之永熙元年四月庚申帝崩廿二史攷異十九日按武

惠二紀俱云以己酉崩相差十一日且是歲正月改元太熙四年武帝崩太子卽位乃改永熙以先帝之崩繫之後君之年亦非也

惠帝元康九年十一月甲子朔勞格校勘記曰宋志作十月誤日有蝕

之十二月廢皇太子遹爲庶人尋殺之

永康元年正月己卯四月辛卯朔並日有蝕之羣書拾補曰案

宋志是年無正月一食且是年正月癸亥朔己卯乃月之十七日此四字及下並字俱宜刪去

永寧元年閏月景戌朔日有蝕之



光熙元年正月戊子朔七月乙酉朔並日有蝕之十一月惠帝崩十二月壬午朔又日有蝕之

懷帝永嘉元年十一月戊申朔日有蝕之二年正月

景子朔

羣書拾補曰子諤當從本紀及宋志作午

日有蝕之六年二月壬

子朔日有蝕之

愍帝建興四年六月丁巳朔十二月甲申朔

羣書拾補曰宋志作

乙卯案紀下有己未則非甲申明甚拾補識語曰案注先生考爲乙酉酉本爲卯故宋志譌卯紀己未當作乙

未並日有蝕之五年五月景子十一月景子

羣書拾補曰下

又云十一月景子其誤顯然此年兩食宋志皆無拾補識語曰案汪先生考爲五月壬午十一月己酉案本紀

十一月並日有蝕之時帝蒙塵于平陽

元帝太興元年四月丁丑朔日有蝕之

明帝太寧三年十一月癸巳朔日有蝕之在卯至斗斗  
吳分也其後蘇峻作亂

成帝咸和二年五月甲申朔日有蝕之在井井主酒食  
女主象也明年皇太后以憂崩 六年三月壬戌朔日

有蝕之勞格校勘記曰宋志無此食是時帝已年長每幸司徒第猶

出入見王導夫人曹氏如子弟之禮以人君而敬人臣

之妻有虧君德之象也 九年十月乙未朔勞格校勘

年十月辛丑朔非乙未朔盧云此因下咸康元年日有

蝕之是時帝既冠當親萬機而委政大臣著君道有虧

也

咸康元年十月乙未朔日有蝕之 七年二月甲子朔

日有蝕之三月杜皇后崩

本紀甲子作甲午十七史商榷四十六日

此說非也八年正月乙未朔

讀史舉正曰成帝紀作己未日朔爲是以下書乙丑日也

有蝕之京都大雨郡國以聞是謂三朝王者惡之六月而帝崩

穆帝永和二年四月己酉

羣書拾補曰宋志無二年及八年兩食己酉日亦有誤

七年正月丁酉八年正月辛卯並日有蝕之 十二年

十月癸巳朔日有蝕之在尾尾燕分北狄之象也是時邊表姚襄苻生互相吞噬朝廷憂勞征伐不止

升平四年八月辛丑朔日有蝕之幾既在角凡蝕淺者  
禍淺深者禍大角爲天門人主惡之明年而帝崩  
哀帝隆和元年三月甲寅朔羣書拾補曰宋志無案是必非甲寅朔與下十二月戊午朔並日有蝕之明年二月戊午朔亦不合  
而帝有疾不識萬機

海西公太和三年三月丁巳朔五年七月癸酉朔並日  
有蝕之皆海西被廢之應也

孝武帝寧康三年十月癸酉朔日有蝕之

太元四年閏月己酉朔日有蝕之

周家祿校勘記曰本紀作十二月己酉朔

是年紀無閏月文讀史舉正曰太元元年十一月己巳朔日蝕志闕

是時苻堅攻沒襄陽

執朱序 六年六月庚子朔日有蝕之 九年十月辛亥朔日有蝕之 十七年五月丁卯朔日有蝕之 二十年三月庚辰朔日有蝕之明年帝崩

安帝隆安四年六月庚辰朔日有蝕之是時元顯執政元興二年四月癸巳朔日有蝕之其冬桓玄篡位

義熙三年七月戊戌朔日有蝕之 十年九月丁巳朔

勞格校勘記曰 日有蝕之 十一年七月辛亥晦勞格校勘

宋志作己巳誤 日有蝕之 十三年正月甲戌朔日有蝕

之明年帝崩

恭帝元熙元年十一月丁亥朔日有蝕之自義熙元年

至是日蝕皆從上始皆爲革命之徵

周禮眡祲氏掌十輝之法以觀妖祥辨吉凶有祲象鑄  
監閭菅彌序隋想凡十後代名變說者莫同今錄其著  
應以次之云

吳孫權赤烏十一年二月白虹貫日權發詔戒懼

武帝泰始五年七月甲寅日暈再重白虹貫之

高誘呂氏春秋

注曰暈讀如君國子民之君氣圍繞日周匝有似軍營相圍守故曰暈也

太康元年正月己丑朔五色氣冠日自卯至酉占曰君

道失明丑爲斗牛主吳越是時孫皓淫暴四月降

案武帝紀

孫皓降在三月壬申此作四月誤

惠帝元康元年十一月甲申日暈再重青赤有光 九

年正月日中有若飛鷲者數日乃消王隱以爲愍懷廢

死之徵

晉書校文二曰此事載王隱書惠帝紀綱云此故云王隱以爲愍懷廢死之徵然隱書繫於元

康六年六月此屬之九年正月與隱書

年月互異魏元初誌魏書魏書

永康元年正月癸亥朔日暈三重 十月乙未日闇黃

霧四塞

書鈔一百五十九引漢晉陽秋占日不及三年作日關黃沙四塞宋志亦作關

下有拔城大戰 十二月庚戌日中有黑氣京房易傳

日祭天不順茲謂逆厥異日中有黑氣

永寧元年九月甲申日中有黑子京房易占黑者陰也

臣不掩君惡令下見百姓惡君則有此變又曰臣有蔽

主明者

太安元年十一月日中有黑氣

永興元年十一月日中有黑氣分日

光熙元年五月壬辰癸巳日光四散赤如血流照地皆

赤甲午又如之

羣書拾補曰宋志癸巳而紀係於壬辰此或後人以壬辰旁注誤入本書耳否

則下何以獨殊甲午拾補識語曰此蓋放春秋連書甲戌己丑例志疑也占曰君道失明

懷帝永嘉元年十一月乙亥黃黑氣掩日所照皆黃案

河圖占曰日薄也其說曰凡日蝕皆於朔晦

宋志作晦朔

有

不於晦朔者爲日薄雖非日月同宿時陰氣盛掩日光

也占類日蝕二年正月戊申白虹貫日二月癸卯



白虹貫日青黃暈五重占曰白虹貫日近臣爲亂不則  
諸侯有反者暈五重有國者受其祥天下有兵破亡其  
地明年司馬越暴蔑人主五年劉聰破京都帝蒙塵于  
寇庭 五年三月庚申日散光如血下流所照皆赤日  
中有若飛鷲者

愍帝建興二年正月辛未庚時

本紀作辰時

日隕于地又有

三日相承出於西方而東行 五年正月庚子三日並  
照虹蜺彌天日有重暈左右兩珥占曰白虹兵氣也三  
四五六日俱出並爭天下兵作丁巳亦如其數又曰三  
日並出不過三旬諸侯爭爲帝日重暈天下有立王暈

而珥天下有立侯故陳卓曰當有大慶天下其三分乎  
三月而江東改元爲建武劉聰李雄亦跨曹劉疆宇於  
是兵連累葉

元帝太興元年十一月乙卯日夜出高三丈中有赤青

珥

羣書拾補日中  
字官校疑衍

四年二月癸亥日闕

三月癸未日

中有黑子辛亥帝親錄訊囚徒

勞格校勘記曰宋志無  
日闕三月癸未六字二

月作三月案是年二庚寅四己丑朔則三月是庚申朔  
癸亥三月四日當從宋志爲是辛亥上脫四月二字

永昌元年十月辛卯

晉書校文二日攷帝紀敦舉兵在  
是年三月四月而破京都十月日

變遠在其後援爲徵應太涉附會至十月宋志作  
十一月亦不知誰誤識體顯關祗仲纓緒

日中

有黑子時帝寵幸劉隗擅威福虧傷君道王敦因之舉

兵逼京都禍及忠賢

明帝太寧元年正月己卯朔

勞格校勘記曰宋志作己丑朔考長祿永昌元年閏

十二月節儀一己卯朔太寧元年三戊寅朔則正月當是己卯朔宋志誤也

日暈無光癸巳

黃霧四塞占曰君道失明陰陽昏臣有陰謀京房曰下

專刑茲謂分威蒙微而日不明先是王敦害尚書令刁

協僕射周顗驃騎將軍戴若思等是專刑之應敦既陵

上卒伏其辜十一月景子白虹貫日史官不見桂陽

太守華包以聞

成帝咸和九年七月白虹貫日

勞格校勘記曰宋志無此賊獺記粹鮑虹

咸帝元年七月白虹貫日二年七月白虹貫日自後

庾氏專政由后族而貴蓋亦婦人擅國之義故頻年白虹貫日 八年正月壬申日中有黑子景子乃滅夏帝崩

穆帝永和八年張重華在涼州日暴赤如火中有三足烏形見分明五日乃止 十年十月庚辰日中有黑子大如雞卵 十一年三月戊申日中有黑子大如桃二枚時天子幼弱久不親國政

升平三年十月景午

勞格校勘記曰長厯三年十月乙卯朔無丙午四年十月庚子朔丙午月

之七日三年疑是四年之譌 日中有黑子大如雞卵少時而帝崩周祿校勘記曰按穆帝以升平五年崩不得云少時疑有誤

海西公太和三年九月戊辰夜二虹見東方 四年四

月戊辰日暈厚密白虹貫日中 十月乙未日中有黑

子 五年二月辛酉日中有黑子大如李 六年三月

辛未

勞格校勘記曰宋志作二月是白虹貫日日暈五重誤

十一月桓溫廢帝即簡文咸安元年也

簡文咸安二年十一月丁丑

勞格校勘記曰長厯十庚申十二己未朔十一是庚

寅朔無

日中有黑子

孝武寧康元年十一月己酉日中有黑子大如李 二

年三月庚寅日中有黑子二枚大如鴨卵 十一月己

巳日中有黑子大如雞卵時帝已長而康獻皇后以從

嫂臨朝實傷君道故日有瑕也

太元十三年二月庚子日中有黑子二大如李 十四

年六月辛卯

開元占經六引中興書六月作二月

日中又有黑子大如李

二十年十一月辛卯日中又有黑子是時會稽王以母弟干政

安帝隆安元年十二月壬辰日暈有背璫是後不親萬機會稽王世子元顯專行威罰 四年十一月辛亥日中有黑子

元興元年二月甲子日暈白虹貫日中 三月庚子白虹貫日未幾桓玄剋京都王師敗績明年玄篡位

義熙元年五月庚午

勞格校勘記曰長祿五辛巳朔無庚午

日有彩珎

六年五月景子日暈有珎時有虛循逼京都內外戒嚴

七月循走 七年七月五虹見東方

初學記二王韶之晉安記曰義熙二

年七月彩虹出西方蔽案本紀與志俱無此事故附注於此

占曰天子黜其後劉裕

代晉

十年日在東井

宋志作十一年

有白虹十餘丈在南干

日灾在秦分秦亡之象

恭帝元熙二年正月壬辰白氣貫日

宋志作東西有直日暈

珎各一丈白氣貫之交市

月變

魏文帝黃初四年十一月月暈北斗占曰有大喪赦天

下七年五月帝崩明帝卽位大赦天下

孝懷帝永嘉五年三月壬申景夜月蝕既丁夜又蝕既  
勞格校勘記曰宋志作丙申夜月蝕既丁酉夜又蝕既  
無壬申二字考長厯二戊子五丁巳朔三月是戊午朔  
無丙申丁酉御覽四晉書曰永嘉元年月蝕赤如血二  
月敬則反案本紀與志均無此文不知所引何家之書  
疑元年或五年之占日月蝕盡大人憂又曰其國貴人  
死謫故附注於此

海西公太和四年閏月乙亥月暈軫復有白暈貫月北  
暈斗柄三星占曰王者惡之六年桓溫廢帝

安帝隆安五年三月甲子月生齒占日月生齒天子有  
賊臣羣下自相殘桓立篡逆之徵也



義熙九年十二月辛卯朔月猶見東方是謂之仄匿則

侯王其肅

羣書拾補曰仄匿二字當重

是時劉裕輔政威刑自己仄

匿之應云 十一年十一月乙未月入輿鬼而暈占曰

主憂財寶出一日月暈有赦

月奄犯五緯

凡月蝕五星其國皆亡五星入月其野有逐相

魏明帝太和五年十二月甲辰月犯填星

青龍二年十月乙丑

勞格校勘記曰十月己丑一作乙丑宋志作十一月乙丑案十月壬

子朔無己丑十一壬午朔無乙丑下 戊寅月

有戊寅則十月乙丑是也魏作 占同上 犯太白占曰人君死又爲兵景初元年七月公孫文懿

叛二年正月遣宣帝討之三年正月天子崩 四年三

月己巳太白與月俱加景晝見月犯太白

魏志三月作二月犯太白

下有又犯占同上

景初元年十月丁未月犯熒惑占曰貴人死二年四月

司徒韓暨薨

齊王嘉平元年正月甲午太白襲月宣帝奏永寧太后

廢曹爽等

惠帝太安元年十一月庚辰歲星入月中占曰國有逐

相 十二月壬寅太白犯月占曰天下有兵 二年正

月己卯

勞格校勘記曰案正月己亥朔無己卯

月犯太白占同青龍元年

周家祿校勘記

日二年誤元年七月左衛將軍陳眕等率眾奉帝伐成

都王

晉書校文二曰眕宋書天文志譌眕蓋爾亦作眕形與眕同遂輾轉致誤

六軍敗績兵

逼乘輿後二年帝崩

元帝太興二年十一月辛巳

勞格校勘記曰案十一月戊戌朔無辛巳

熒惑占曰有亂臣三年十二月己未太白入月在斗

郭璞日月屬坎陰府法象也

宋志象作家

太白金行而來犯

之天意若曰刑理失中自毀其法四年十二月丁亥

月犯歲星在房占曰其國兵饑人流亡永昌元年三月

王敦作亂率江荆之眾來攻敗京都殺將相又鎮北將

軍劉隗出奔百姓並去南畝困於兵革四月又殺湘州

刺史譙王司馬承鎮南將軍甘卓

成帝咸康元年二月乙未太白入月 四月甲午月犯

太白

勞格校勘記曰二月己亥朔無乙未四月戊戌朔無甲午羣書拾補曰宋志有咸康三年十一月乙

丑太白犯歲星無元年事

四年四月己巳

宋志有太白晝見在柳六字

七月乙巳

月俱掩太白占曰人君死又爲兵人主惡之明年石季

龍之眾大寇河南於是內外戒嚴 五年四月辛未月

犯歲星在胃占曰國饑人流乙未月犯歲星在昴及冬

有河南邾城之敗百姓流亡萬餘家 六年二月乙未

太白入月占曰人主死 四月甲午

勞格校勘記曰宋志作甲子案四月

己巳朔無甲子

月犯太白占曰人主惡之

穆帝永和八年十二月月在東井犯歲星占曰秦饑人  
流亡是時兵革連起 十年十一月月奄填星在輿鬼  
占曰秦有兵時桓溫伐苻健健堅壁長安溫退十二年八  
月桓溫破姚襄

升平元年十一月壬午月奄歲星在房占曰人饑一日  
豫州有災 二年閏三月乙亥月犯歲星在房占同上  
三年豫州刺史謝萬敗 三年三月乙酉月犯太白在  
昴占曰人君死一日趙地有兵胡不安四年正月慕容  
雋卒 五年正月乙丑辰時月在危宿奄太白占曰天  
下靡散 三月丁未月犯填星在軫占曰爲大喪五月

穆帝崩七月慕容恪攻冀州刺史呂護於野王拔之護奔走時桓溫以大眾大宛間護敗乃退

哀帝興寧元年十月景戌月奄太白在須女占曰天下靡散一日災在揚州三年洛陽沒其後桓溫傾揚州資實北討敗績死亡太半及征袁真淮南殘破後慕容暉及苻堅互來侵境 三年正月乙卯月奄歲星在參占曰參益州分也六月鎮西將軍益州刺史周撫卒十月梁州刺史司馬勳入益州以叛朱序率眾助刺史周楚討平之

海西太和元年二月景子月奄熒惑在參占曰爲內亂

帝不終之徵一日參魏地五年慕容暉爲苻堅所滅

孝武太元十二年二月戊寅熒惑入月占曰有亂臣死

若有相戮者

羣書拾補曰從宋志作相若有

一曰女親爲政天下亂是

時琅邪王輔政王妃從兄王國寶以姻昵受寵又陳郡

人袁悅昧私苟進交遷主相扇揚朋黨十二年帝殺悅

於市

勞格校勘記曰宋志作十三年

於是主相有隙亂階興矣

十三

年十一月戊子

勞格校勘記曰宋志作十二月案十二月丙戌朔戊子月之三日

辰星

入月在危占曰賊臣欲殺主不出三年必有內惡是後

慕容垂翟遼姚萇苻登慕容永並阻兵爭強十四年

十二月乙未月犯歲星占並同上十五年翟遼據司兗

眾軍累討弗克慕容氏又跨略并冀七月旱八月諸郡大水兗州又蝗十八年正月乙酉熒惑入月占曰憂在宮中非賊乃盜也一日有亂臣若有戮者二十一年九月帝暴崩內殿兆庶宣言夫人張氏潛行大逆又王國寶邪狡卒伏其辜十九年四月己巳月奄歲星在尾占曰爲饑燕國亡二十年慕容垂遣息寶伐魏反爲所破死者數萬人二十一年垂死國遂衰亡

安帝隆安元年六月庚午月奄太白在太微端門外占曰國受兵乙酉月奄歲星在東壁占曰爲饑衛地有

兵二年六月郗恢遣鄧啟方等

本紀作鄧啟郗恢傳及宋書天文志均有方字



以萬人伐慕容寶於滑臺敗三年九月桓玄等並

舉兵

羣書拾補曰當作是年七月

於是內外戒嚴

四年正月乙亥

月犯填星在牽牛占曰吳越有兵喪女主憂 六年乙

未

勞格校勘記曰宋志作己未案六月庚辰朔無己未

月又犯填星在牽牛 十

月乙未月奄歲星在北河占曰爲饑胡有兵其四年五

月孫恩破會稽殺內史謝琰後又破高雅之於餘姚死

者十七八七月太皇太后李氏崩元興元年孫恩寇臨

海人眾餓死散亡殆盡

元興元年四月辛丑月奄辰星七月大饑人相食 二

年十一月辛巳月犯熒惑占悉同上二年十二月

案上文云

二年十一月此處二年二字  
衍羣書拾補謂當作是年

桓立篡位放遷帝后於尋

陽以永安何皇后為遷陵君

案遷陵誤當從何皇后傳及天文志下作零陵君

三年二月劉裕盡誅桓氏

晉書校文二日以帝紀及宋書武帝紀攷之三年二月乃

裕起義之始桓立猶僭帝自若不得謂為盡誅桓氏案下卷亦同此誤

三年二月甲辰月

奄歲星於左角占曰天下兵起是年三月景辰

勞格校勘記曰

三月當作二月

劉裕起殺義兵桓修等明年正月眾軍攻桓振

卒滅諸桓

義熙元年四月己卯月犯填星在東壁占曰其地亡國

一曰貴人死 七月己未月奄填星東壁

羣書拾補曰星下脫在字

占曰其國以伐亡一曰人流 十月丁巳月奄填星在

營室占同上十一月荊州刺史魏詠之卒廿二史攷異十九日此卷

書詠之卒而下卷書詠之薨此卷書左僕射孔安國薨下卷書卒又下卷永和五年征北大將軍褚裒卒其下

即書哀薨史之無定例如此二年二月司馬國璠等攻沒弋陽三年

司徒揚州刺史王謐薨四年正月太保武陵王遵薨三

月左僕射孔安國薨二年十二月景午月奄太白在

危占曰齊亡國一曰彊國君死五年四月劉裕大軍北

討慕容超卒滅之晉書校文二曰四月帝紀作三月以宋書武帝紀攷之則裕抗表北討在

三月師行七年六月庚子月犯歲星在畢占曰有邊兵

實四月也且饑八月乙未月犯歲星在參占曰益州兵饑七月

朱齡石剋蜀蜀人尋反又討之廿二史攷異十九日按安帝紀齡石以義熙八

年西伐九年七月克蜀此云七年誤也下條卽有九年七月朱齡石滅蜀之文其不相檢照如此石魏書卷之九

八年正月庚戌月犯歲星在畢占同上九年七月

朱齡石滅蜀 十二年五月甲申月犯歲星在左角占

曰爲饑 十四年四月壬申月犯填星於張占曰天下有大喪其明年帝崩

周家祿校勘記曰明衍文安帝卽以十四年崩

恭帝元熙元年七月月犯歲星占悉同上 十二月丁巳月犯太白于羽林二年六月帝遜位禪宋

五星聚舍

魏明帝太和四年十一月壬戌太白犯歲星占曰太白犯五星有大兵五年三月諸葛亮以大眾寇天水時宣

帝為大將軍距退之

青龍二年二月己未太白犯熒惑晉書校文二曰己未

及宋書天文志有是年十月戊寅月犯太白一條此脫

不載宋書天文志又開元占經九引魏晉以來災異事甚備以

殊春秋史記孝武太元占經九年十月占曰大兵起有大戰是

辛亥宋書二志皆謂本書元天年十月占曰大兵起有大戰是

年四月諸葛亮據渭南吳亦起兵應之魏東西奔命

惠帝元康三年填星歲星太白三星聚于畢昴占曰為

兵喪畢昴趙地也後賈后陷殺太子趙王廢后又殺之

斬張華裴頠遂篡位廢帝為太上皇天下從此遭亂連

禍

永寧二年十一月宋志作十月熒惑太白闕于虛危占曰大

兵起破軍殺將虛危又齊分也 十二月熒惑襲太白  
于營室占曰天下兵起亡君之戒一日易相初齊王囧  
之京都因留輔政遂專傲無君是月成都河間檄長沙  
王乂討之囧乂交戰攻焚宮闕囧兵敗夷滅又殺其兄  
上軍將軍寔以下二千餘人

勞格校勘記曰案寔是囧弟非兄也志誤

太安

二年成都又攻長沙於是公私饑困百姓力屈

太安三年正月熒惑犯歲星占曰有戰

羣書拾補曰七  
有下脫大字

月左衛將軍陳眕奉帝伐成都六軍敗績

光熙元年九月填星犯歲星占曰填與歲合爲內亂是  
時司馬越專權終以無禮破滅內亂之應也 十二月

癸未太白犯填星占曰爲內兵有大戰是後河間王爲

東海王越所殺

廿二史攷異十九日按河間王顥爲南陽王模所殺模雖黨於越未可便稱越

殺明年正月東海王越殺諸葛玫等五月汲桑破馮嵩

殺東燕王

周家祿校勘記曰按時王已改封新蔡不得仍稱東燕

八月苟晞大破

汲桑

懷帝永嘉六年七月熒惑歲星太白聚牛女之間

御覽

中興書曰元帝渡江歲鎮辰太白等四星聚於牛女間

徘徊進退案占曰牛女揚

州分是後兩都傾覆而元帝中興揚土

建武元年五月癸未

羣書拾補曰案建武雖元帝所建而是時愍帝猶在宋志每係之愍

帝是也太白熒惑合於東井占曰金火合曰爍爲喪是時

愍帝蒙塵于平陽七月崩于寇庭

晉書校文二曰愍帝崩於建興五年十二

月非七月且此宜繫愍帝年號不應屬之建武元年

元帝太興二年七月甲午歲星熒惑會于東井

勞格校勘記曰

宋志無案七月庚子朔無甲午羣書拾補曰當為衍文必一晦一朔而後可并與翼相距六合安八月乙未太能一日之間而超越之是其為妄增無疑

白犯歲星合在翼占曰為兵饑三年六月景辰

勞格校勘記曰

通鑑目錄

太白與歲星合于房占同上永昌元年王敦

攻京師六軍敗績王敦尋死

晉書校文二曰敦攻京師在永昌元年四月死在明

帝大興元年七月中閒事跡尙多日月相距亦甚遠不當曰尋死

成帝咸康三年十一月乙丑

勞格校勘記曰十一月癸未朔無乙丑

太白



犯歲星于營室占曰爲兵饑四年二月石季龍破幽州  
遷萬餘家以南五年季龍衆五萬寇沔南略七千餘家  
而去又騎二萬圍陷邾城殺略五千餘人 四年十二  
月癸丑太白犯填星在箕占曰王者亡地七年慕容皝  
自稱燕王 七年三月太白熒惑合于太微中犯左執  
法明年顯宗崩 八年十二月己酉太白犯熒惑于胃  
占曰大兵起其後庾翼大發兵謀伐石季龍專制上流  
康帝建元元年八月丁未太白犯歲星在軫占曰有大  
兵是年石季龍將劉寧寇沒狄道

穆帝永和四年五月熒惑入婁犯填星占曰兵大起有

喪災在趙其年石季龍死

周家祿校勘記曰其年當作明年季龍以永和五年死

來年冉閔殺石遵及諸胡十萬餘人其後褚裒北伐喪

眾而薨

六年三月戊戌

勞格校勘記曰三辛丑朔無戊戌

熒惑犯歲

星占曰爲戰

七年三月戊子

勞格校勘記曰三丙申朔無戊子

歲星

熒惑合于奎其年劉顯殺石祗及諸胡帥中土大亂

十二年七月丁卯太白犯填星在柳占曰周地有大兵

其年八月桓溫伐苻健退因破姚襄於伊水定周地

升平二年八月戊午熒惑犯填星在張占曰兵大起

三年八月庚午太白犯填星在太微中占曰王者惡之

五年十月丁卯熒惑犯歲星在營室占曰大臣有匿

謀一曰衛地有兵時桓溫擅權謀移晉室

海西公太和元年八月戊午

宋志作二年

太白犯歲星在太

微中

三年六月甲寅太白奄熒惑在太微端門中六

年海西廢

世說言語篇注引晉陽秋作泰和六年閏十月熒惑守太微端門十一月大司馬桓溫廢

帝爲海西公案海西公本紀咸安二年正月降爲西海縣公簡文本紀在元年十二月非泰和六年也

簡文咸安二年正月己酉歲星犯填星在須女占曰爲

內亂七月帝崩桓溫擅權謀殺侍中王坦之等內亂之

應

孝武寧康二年十一月癸酉太白奄熒惑在營室占曰

金火合爲燦爲兵喪太元元年七月苻堅伐涼州破之

虜張天錫

太元十一年十二月己丑

宋志作十年

太白犯歲星占曰爲

兵饑是時河朔未平兵連在外冬大饑十七年九月

丁丑歲星熒惑填星同在亢氏十二月癸酉

勞格校勘記曰

十二月癸巳朔無癸酉

填星去熒惑歲星猶合占曰三星合是謂

驚立絕行內外有兵喪與饑改立王公十九年十月

太白填星熒惑辰星合于氏

十二月癸丑

羣書拾補曰宋志無

太白填星熒惑辰星合于氏十二月十四字亦係妄增

太白犯歲星在斗占曰爲

亂饑爲內兵斗吳越分至隆安元年王恭等舉兵顯王

國寶之罪朝廷殺之是後連歲水旱饑

安帝隆安元年二月歲星熒惑皆入羽林占曰中軍兵起四月王恭等舉兵內外戒嚴

元興元年八月庚子太白犯歲星在上將東南占曰楚兵饑一曰災在上將二年桓玄篡位三年劉裕盡誅桓氏二年十月丁丑宋志作十一月太白犯填星在婁占同上

三年二月壬辰

宋志作十二月

太白熒惑合于羽林二年十

二月桓玄篡位放遷帝后

案此二年事列於三年二月三年之後殊舛誤

三年二月

劉裕起義兵桓玄逼帝東下

義熙二年十二月丁未熒惑太白皆入羽林又合于壁三年正月慕容超寇淮北徐州至下邳八月遣劉敬宣

伐蜀 三年二月癸亥熒惑填星太白辰星聚于奎婁

從填星也

勞格校勘記曰二月辛未朔無癸亥羣書拾補曰從填星也下當有奎婁二字徐州

分是時慕容超僭號于齊兵連徐兗連歲寇抄至于淮

泗姚興譙縱僭號秦蜀盧循及魏南北交侵其五年劉

裕北殄慕容超

其六月辛卯

宋志作八月羣書拾補曰此承三年不承事應

五年熒惑犯辰星在翼占曰天下兵起

八月己卯太

白奄熒惑占曰有大兵其四年姚略遣眾征赫連勃勃

大爲所破

五年四月甲戌熒惑犯辰星在東井占曰

皆爲兵 十二月辛丑太白犯歲星在奎占曰大兵起

魯有兵是年四月劉裕討慕容超六年二月滅慕容超

于魯地 七年七月丁卯歲星犯填星在參占曰歲填

合爲內亂一曰益州戰不勝亡地是時朱齡石伐蜀後

竟滅之

晉書校文二曰據譙縱傳及宋書齡石傳伐蜀在九年春志中是時二字承七年七月來則似

伐蜀在七年矣誤

明年誅謝混劉毅 八年十月甲申

羣書拾補曰十

當作

太白犯填星在東井占曰秦有大兵 九年二月

景午熒惑填星皆犯東井占曰秦有兵 三月壬辰歲

星熒惑填星太白聚于東井從歲星也東井秦分十三

年劉裕定關中其後遂移晉祚 十四年十月癸巳

勞格

校勘記曰十月癸亥朔無癸巳

熒惑入太微犯西蕃上將仍順行至左

掖門內留二十日乃逆行至恭帝元熙元年三月五日

出西蕃上將西三尺許又順還入太微時填星在太微  
熒惑繞填星成鉤已其年四月景戌從端門出占曰熒  
惑與填星鉤已天庭天下更紀十二月安帝母弟琅邪  
王踐阼是日恭帝來年禪于宋



晉書卷十二